



Kar kōkāāl eliktata: Jebtōmba 29, 2020

Melele in Kajinet ñan Bar Bellok ilo Alen Ruo – Rikōmadmōd ro an Jikin im Makūtkūt ko

Maroñ eo: Wōtar jen Ra In Lolorjake Nōmba 20-27, ORS 433.441, ORS 433.443, ORS 431A.010

Ekkar ñan: Melele in kajinet in ej jermal ñan rikōmadmōd ro an jikin im makūtkūt ko rej kōmman ak jibañ makūtkūt ko iloan em ak inabōj, ekoba kakobaba in armij ñan aer ibben doon, ikkure, kakobaba ikijen manit, kien, ak ikijen kabuñ ilo county ko rebed ilo Alen Ruo.

Droulul ko an rijikuul emōj aer kadeloñ etaer ilo imōn jelālokjen ko reutiej, ekoba bōtab ejab jemlok wōt ñan fraternity im sorority ko, rejab rikōmadmōd an makūtkūt im ewōr joñan wōran armij ko elabtata ilo jikin ko aer ilo aoleben melele in kajinet ikijen kakobaba in armij im ien ibben doon iloan em an aoleben state eo, melele in kajinet eo jen Kamijen eo ej Kōlaajrak Jelālokjen ko Reutiej, im jabdewōt kakien in bukōn eo ekkar.

Kabin: Ñan joñan an melele in kajinet in aikuj loor kin jet kakien ko, enaj mennin kabin einwōt kōjejjet ilo Wōtar jen Ra In Lolorjake 20-27, ion 26.

Kōmadmōd ko:

Rikōmadmōd ro an jikin/makūtkūt ko rej aikuj in:

- Etale im kōjejjet kūtien [Melele in Kajinet eo an Oregon ñan Jikin Jermal ko ikijen COVID-19](#).
- Etale im kōjejjet kūtien [Melele in Kajinet an Aolepan State eo ikijen Kein Kalbubu Iturin Māj einwōt an Jikin Taktō, Kein Kalbubu Iturin Māj, Kein Bōbrae Iturin Māj](#).
- Lolorjake an kein jermal ko emman wōt, ekkar ñan jabdewōt wewein kejbarok im kōmadmōd ekkar ñan beba ko im laajrakin joñan kōmadmōd ko.
- Kilōk jikin idaak aebōj, ijellokun jikin ko emōj kōmman ñan bar etteiñ nien aebōj ilo juon wewein eo ejjelok enaj jibwe ak kebaak.
- Kajutak [bija ak kōjjelā ko im realikar](#) aer kōlaajrak kakōlle ko an COVID-19, kajinet rijermal im armij ro rar itok/bōk kwōnaer im elōñ kakōlle ko ibbeir bwe ren bed wōt ak rool ñan mōko imweir, innem kōlaajrak wōn eo ren kūrlok ñe rej aikuj bōk jibañ.
- Kajutak bija ak kōjjelā rej kōmman aikuj bwe armij ren kōttolok doon (jab driklok jen 6 ne) ilo aoleben mweo, ekoba ak ejab bōjrak wōt ilo jikin karuwanene armij, jikin mōñā, im ijoko iturin imōn kōbojak.
- Lolorjak an jimwe kōmadmōd in kein jermal in mejatoto deloñ diwōj eo iloan mweo. Kōlablok an mejatoto maroñ diwōj deloñ ñan joñan aṃ maroñ ilo aṃ kōbellok wūntō ko im

kejem ko, kōjērbal deel ko, ak wewein ko jet. Kwōn jab kōbellok wūntō im kejem ko elañe aṃ kōmman eindein enaj kōmman kauwōtata ñan rijērbal ak armij ro rar itok/bōk kwōnaer.

- Kōmmane jikin kwal bā ak kein manman kij in bā (60-95% kobban arkool) ilo aoleben mweo ñan an rijērbal im client ro kōjērbale.
- Etale im kōjējjet kūtien [Melele in Kajinet ñan Alen Ruo ñan Imōn Mōñā im Baar ko](#) elañe rej lelok mōñā im dren ilo jikin eo.
- Kakien ñan an armij aikuj karōk ien aer iwōj ak wia tūkōt maanlok ñan makūtkūt ko an armij in lobelej.
- Kakwōn melele in kebaak an armij ro rej wia/jede ñan makūtkūt ko an lobelej im ro ear wōr aer kūr in koba waj. Ñe emōj kamool ewōr juon keej in COVID-19 jen rikōmadmōd eo an jikin/makūtkūt eo, ra in ejmourin lobelej eo enaj bōlen aikuj melele ko ñan aer kōmman etale in anōke aoleben armij kar kebaak nañinmij eo. Ijellokun ñe oktak aikuj eo, remaroñ kokkure melele kein 60 raan elikin makūtkūt eo.

Ñan joñan aer maroñ, rikōmadmōde ro an jikin/makūtkūt ro ren:

- Kōmman bwe en oktak ien an armij deloñ im diwōj ñan armij ro rej jede/bōk kwōnaer ñan kadriklok aer kakobaba ilo jikin deloñ, jikin diwōj im imōn kōbojak ko ñan loore kakien ko ikijen kōttolok doon.
- Lelok jikin deloñ/diwōj ko rejenolok ñan rijērbal im/ak rikoontōreak ro, ñe kwōmaroñ.
- Lōmnak aṃ likūt kein bōbrae ko kilaaj ak būlajtiik ijoko itumaan ilo counter ko, ak ijoko jet enaj binlok lolorjake an wōr jiljino (6) ne kōtaan rijērbal im armij ro rej jede/bōk kwōnaer.
- Kwōn lukkun rōjañ armij ro renaj jede/bōk kwōnaer bwe ren kwal beir kin joob im dren iomwin ejab driklok jen 20 jekōn ak ñan kōjērbale kein manman kij in bā (60-95% kobban arkool).
- Lelok kein manman kij in bā (60-95% kobban arkool) iturin jikin deloñ ko.

Kōttolok im Wōran Armij:

Rikōmadmōd ro an jikin/makūtkūt ko rej aikuj in :

- Kōmman joñan kakobaba ñan elabtata 100 armij iloan em ak 250 inabōj, ak wōran armij, ekoba rijērbal, ekkar ñan aer lale joñan wōran eo elabtata (jukweea ne/wōran armij), jabdewōt eo edriklok. Elañe rikōmadmōd ro an jikin/makūtkūt ko rej kōmmane juon wōt makūtkūt iloan em im inabōj jimor, aoleben joñan armij eban lōñlok jen 250 armij, ekoba rijērbal.
- Lale joñan eo elabtata ñan wōran armij ilo kajojo jikin iloan em im inabōj, im kōmman joñan armij ekkar ñan jikin ko. Joñan wōran armij labtata ej aikuj bwe en wōr ejab driklok jen jiljino (6) ne ikōtaan pade ko.
- Lolorjake bwe en wōr ejab driklok jen jiljino (6) ne ñan kajojo armij, ijellokun ro uwaan ejja juon wōt pade remaroñ bōk kwōnaer ilo makūtkūt ko/jutak ilo lain ibben doon ilo aer jab aikuj kōttolok doon jiljino (6) ne jen doon. Aikuj jab driklok jen jiljino (6) ne ikōtaan droulul ko reoktak.
- Kamo pade ko elōñlok jen 10 armij uwaan.

- Lale wewein aṃ karōke jikin jijet ko ñan aṃ loore kakien in aikuj ko ikijen kōttolok doon. Elañe koṃij lelok mōñā im dren in idaak ilo jikin eo, karōke jikin jijet im wewein jikin mōñā im dren ko ilo aṃ kōjerbale [Melele in Kajinet eo an Alen Ruo ñan Imōn Mōñā im Baar ko](#).
- Jab kakobaik droulul ko ak kōmelim aer kōjербal ejja jikin jijet ko ibben armij ro rejab uwaan ejja droulul eo aer.
- Jolok ak kamo jikin jijet im jutak ko ilo aṃ loor aikuj eo bwe en wōr ejab driklok jen jiljino (6) ne ettolok ikōtaan pade ko reaktak.
- Kamo an armij ro ilo pade ko reaktak kakobaba ibben doon ilo jabdewōt jikin, jimor iloan mweo ak inabōj, koba jikin baak wa ko.
- Jitōñe juon eo ej lale aer kōttolok doon ñan lolorjake aṃ loore aoleben kakien ko ikijen kōttolok doon, koba ilo jikin deloñ, diwōj, imōn kōbojak im jabdewōt bar jikin im armij renaaj bōlen kakobaba ie.
- Elañe renaj kōmman etale ko jen security kōjerbale kein kabok metal im alal ko ñan aṃ jab aikuj jibwe armij eo kin beiṃ.
- Jikin rikōjañañ im rijiña ro ren kejbaroke joñan jarin armij im aoleben kakien ko ikijen kōttolok doon.

Ñan joñan aer maroñ, rikōmadmōde ro an jikin/makūtkūt ro ren:

- Kōjerbale mennin ekelel kin wewein kōllā ilo aer jab jibwe kin beir, im scan tūkōt ko ilo aṃ jab kebaak armij ro rar jedetok.
- Kōmman ial in ito-itak ilo juon wōt ial in emakūt ñan kadriklok an armij ro rar jedetok kebaak doon. Kajutak kōjellā ñan kwalok ialen etetal ko ñan kein kalwōjwōj, ñe ekkar.

Karreo im Jolok Jorren:

Rikōmadmōd ro an jikin/makūtkūt ko rej aikuj in:

- Kanuij in karreo aoleben jikin eo mokta jen aṃ bar bellok elikin an kar aitoklok ien aṃ ikkiil.
- Kanuij in karreo aoleben jikin eo ikōtaan makūtkūt ko reaktak.
- Kōjербal kein manman kij ko emōj likūt ilo [laajrakin etan kein karreo ko emōj an Obij in Kejbarok Mejatoto \(EPA\) kōwebben](#) ñan SARS-CoV-2 kij eo me ej kōmman nañinmij in COVID-19. Ejañin wōr juon mweiuk emōj kakōlle ke ej ñan COVID-19, ak elōñ mweiuk ko im enaj wōr aer jeje ak kōmelele ilo website ko aer kin aer jербal ñan coronavirus eo ibben armij.
- Jitōñe ejab driklok jen juon rikarreo in manman kij an wōt eddo in kakutkut an karreo im jolok kij jen ijoko jikin jербal, jikin ko elab ito-itak, im ioon men ke ekkā jibwi im rijerbal im armij ro rej jede/bōk kwōnaer remaroñ bed.
- Jitōñe ejab driklok jen juon rikarreo in manman kij an wōt eddo eo ñan karreo imōn kōbojak ko aoleb awa ilo ien makūtkūt eo, im lolorjake an bwe kein karreo ko (einwōt joob, toilet peba, kein manman kij in bā elōñ 60-95% arkool kobban) ilo aoleben ien makūtkūt ko.

- Jen ien ñan ien, en ukotak, karreo im jolok kij jen nien ki/talebon ko im bar jikin ko jej jibwi ilo kein kile metal ko.
- Kwon niknik in karreo radio im kein kenaan ko, im jab kōmelim an rijerbal ro kōjerbal ejja radio im kein kenaan ko.
- Jolok kij im karreo aoleben kein roñjak ko, ekoba microphone ko, ilo kōtaan ien an armij kōjerbali.

Melele in kajinet ko jet ñan rikōmadmōd ro an jikin im makūtkūt ko rej kōmman inabōj

Rikōmadmōd ro an jikin/makūtkūt ko rej kōmman inabōj rej aikuj in:

- Karōke ijoko inabōj ñan lolorjake elōñ ejab lablok jen 10 armij ro uwaan pade ko. Waanjoñak: jab kebooji tebōl ko ñan elōñlok jen 10 armij ak karōke jikin jijet ko an ien roñjak rikōjañjañ ñan droulul ko elōñlok jen 10 jikin jijet.
- Kanuij in karreo jikin eo ikōtaan makūtkūt ko reotak ekkar ñan kakien ko ikijen karreo im jolok jorren.
- Jitōñe juon (1) armij eo bwe en lale an armij ro kōttolok doon inabōj ñan 50 armij ñan lolorjake aer loor kakien ko ikijen kōttolok doon ilo aoleb ien.
- Kōjebel aoleb jikin im makūtkūt ko rej kōmmane makūtkūt ko rejenolok iloan em im inabōj ilo ejja ien eo im ejja jikin eo. Armij ro rej jede/bōk kwōnaer ilo makūtkūt ko reotak im rej kōmman iloan em im inabōj ilo ejja jikin eo emo aer kōjerbal juon wōt jikin ekoba imōn kōbojak.

Melele in kajinet ko jet ñan jikin alwōj bija inabōj im kwōj alwōj jen waam

Rikōmadmōd ro an jikin alwōj bija ko inabōj rej aikuj in:

- Kakutkut aer karreo im jolok kij ilo jikin jerbal ko, ijoko elab an armij ito-itak, im ioon men ko me ekkā an rijerbal im armij jibwi.
- Karreo imōn kōbojak ko kajojo awa ilo ien makūtkūt eo, im lolorjake ebwe kein karreo ko (einwōt joob, toilet peba, kein manman kij in bā elōñ 60-95% arkool kobban) ilo aoleb ien makūtkūt ko.
- Bwini jikin baak wa im/ak karōk eo ñan loor aoleben kakien ko ikijen kōttolok doon. Lolorjake ke aoleben armij ro rej itok rej baake wa ko waer ejab driklok jen jiljino (6) ne an wa ko ettolok jen doon.
- Kejbarok an jab driklok jen jiljino (6) ne kōtaan kajojo armij, ijellokun ro uwaan ejja juon pade remaroñ jutak ilo lain ibben doon im rejab aikuj kattolok doon jiljino (6) ne jen doon. Aikuj jab driklok jen jiljino (6) ne ikōtaan droulul ko reotak.
- Elañe koñij lelok mōñā im dren in idaak ilo jikin eo, bwini jikin jijet im wewein karōke jikin mōñā im dren ko ilo aam kōjerbale [Melele in Kajinet eo an Alen Ruo ñan Imōn Mōñā im Baar ko](#).

Melele in Kajinet ñan Kien ko an Bukōn ko

Kien ko an bukōn ko remelim in kōjekdoon joñan armij eo elabtata ilo jikin ko ilo melele in kajinet in ilo ien aer kōmman kōmadmōd ko an kien ilo mōko imōn kien im ilo bwidej ko an kien. Kien ko an bukōn ko rej aikuj loor kadriklok joñan armij ko relabtata ilo jikin ilo melele in kajinet in ilo ien aer bōk kwōnaer ilo makūtkūt ko ejab an kien ilo mōko imōn kien ak ilo bwidej ko an kien, einwōt bōtab ejab bōjrak wōt ñan jikin makūtkūt (fairground) ko an county ak city. Kien ko an bukōn ko rej aikuj loor kadriklok joñan armij eo elabtata ilo jikin eo ilo melele in kajinet in ilo ien aer reen ak kōmelim aer kōjerbal em ak bwidej ko an kien ñan makūtkūt ko ejab an kien.

Ilo ien am kōmman makūtkūt ko ak ien ibben doon im ikkure, kien ko an city im county rej aikuj in:

- Loor [Melele in kajinet eo an Aoleben State eo ñan Bar Bellok - Kakobaba in Armij, Ibben Doon ko Iloan Em](#) im kadriklok joñan armij eo elabtata ñan jikin eo einwōt an ekkar ilo county ko rebed ilo Alen Juon.
- Loor [Melele in kajinet an Rikōmadmōd Ro an Jikin im Makūtkūt ilo Alen Ruo](#) im kadriklok joñan armij eo elabtata ilo jikin ko einwōt an ekkar, ilo county ko rebed ilo Alen Ruo.
- Loor jabdewōt [melele in kajinet an OHA kin kilaa](#)j eo ekkar, ekoba melele in kajinet an imōn mōñā im baar.

Kein Jibañ ko Jet:

- [Kōjellā im bija ko kwōmaroñ kajutak](#)
- [Melele in Kajinet an Aoleben State eo kin Kein Kalbubu Māj an Jikin Taktō, Kein Bōbrae Iturin Māj, Kein Kalbubu Iturin Māj](#)
- [Melele in Kajinet an CDC ñan Rilelok ro an Baak im Imōn Ikkure ko](#)

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Jikin Melele in Ejmour eo ilo 1-971-673-2411, 711 TTY ak COVID19.LanguageAccess@dhsaha.state.or.us